

**DE INEFFABILI
TRINITATIS
MYSTERIO ORATIO
HABITA IN SACELLO
PONTIFICIO ... A...**

Francesco cardinale Acquaviva
(cardinale), Valenti Gonzaga



Sanctissimo Domino Noſtro

CLEMENTI XIII.

PONTIFICI MAXIMO

FRANCISCUS ACQUAVIVA

FELICITATEM.



*Q*uod fertur per hominum ora,
 & jampridem percrebuit,
 BEATISSIME PATER, quod-
 que fama sparsit, ac disse-
 minavit in orbis terræ memoriam sem-
 piternam, illud fieri non poteſt, quin vel
 ad aures adolescentis, qui artibus in-
 genuis ad humanitatem, & pietatem in-
 formandus ſit, facile perveniat. Quam-
 obrem & ipſe quoque intellexi Te ad fa-
 stigium

Stigium honoris erectum statim ineffabilis TRINITATIS cultu promovendo præcipuum Tuæ auctoritatis studium transmittendum putavisse, & Collegio Clementino valde gratulatus sum, cui celebritate hujus diei præclarus dicendi honor datus fuit coram magnifica ipsius Sacerdotii amplitudine, atque splendore. Inde usque repetens sperare ausus sum, meam erga tantum Mysterium religionem declarandi mihi etiam pulcherriam occasionem se se fore aliquando oblaturam, non electo uni, qui maximo ingenio, sed relicto ex omnibus, qui spe veniæ quam plurima dicere possum. Hinc voti compos, si tenues meæ devotionis primitias pro Tua summa benignitate esse aliquid putas, quam oratiunculam attente, bonaque cum venia non es aspernatus audire, banc Tibi ad Tuos pedes prostratus humillime offerre gaudeo. Ac quemadmodum olim Jacob, ut patris benedictionem adipisceretur, matris auctoritate, & consilio e grege sumptas epulas illi paratas attulit: sic ego non e locis hor-

ridis,

*ridis, & confragosis, aut silvis, aut sal-
tibus inviis, ætatiq̃ meæ inaccessibleis, sed
e pascuis Domini, idest ex divinarum
Scripturarum sententiis depromptum mu-
nus offero. Quam igitur benedictionem
Jacob exoptabat, hanc ego te flagito: il-
lam, inquam, qua beatificam, æternanam-
que hæreditatem adire possum; quamque
omnibus Fidelibus largiri cupiebat Apo-
stolorum Princeps, cujus Tu summum
locum nunc obtines. Hanc benedictionem
mibi, totiq̃ Collegio Clementino ne de-
neges, dum a Deo O. M. Tuam salutem,
& incolumitatem precamur.*




IMPRIMATUR,

Si videbitur Reverendissimo Patri Sacri Palatii Apostolici Magistro.

D. Archiep. Nicomed. Vicefg.

IMPRIMATUR.

Fr. Thomas Augustinus Ricchinius Ordinis Prædicatorum Sacri Palatii Apostolici Magister.



ORATIO.



Illæsum, atque incontaminatum TRI-
 NITATIS Sacramentum, BEATISSIME
 PATER, cujus beneficio Apostolica,
 & Evangelica auctoritas Fidei no-
 stræ fundamenta per solidum sub-
 didit, firmisque nexibus divinam
 compagem superstruxit, id solum a nobis suo jure
 postulat, ut Patrem nimirum adoremus, & veneremur
 cum eo Filium, ac Sanctum Spiritum ad im-
 mortalitatis pignus, & ad divinæ, incorruptæque na-
 turæ consortium sumamus. Cum igitur humanis mo-
 do aut Sabellii, aut Hebionis, aut Arianorum, aut
 Pneumatomachorum commentis, quemadmodum
 Divus Hilarius querebatur, (a) sermonis nostri hu-
 militatem ad ea, quæ inenarrabilia sunt, extendere
 non cogimur; quid necesse est homini majora se-
 quæ-

(a) *De Trin. l. 2. n. 2.*

quærere (a), cum ignoret, quid conducat sibi in vita sua? Sicut qui mel multum comedit, non est ei bonum (b), sic qui scrutator est majestatis, opprimitur a gloria. Quamobrem ne quis mihi regeret illud: neque plus sapias, quam necesse est (c), ne obstupescas; satius me facturum duco, si spiritualis utilitatis gratia brevissime ostendam tanto, ac penitus divino hujusce diei festi Mysterio Christianæ Spei veritatem, & securitatem fulciri, atque firmari.

Merito quidem homini maledicit Jeremias (d), qui confidit in homine. Ipse enim myricæ similis non videbit, cum venerit bonum: sed habitabit in siccitate, in deserto, in terra falsuginis, & inhabitabili. Contra ea viro benedicit, cujus erit Dominus fiducia. Hic enim erit quasi lignum, qui transplan- tatur super aquas, quod ad humorem suas mittit radices, & in die siccitatis non erit sollicitum, nec aliquando desinet facere fructum. Itaque quis ibit inficias, nihil esse in vita magnopere expetendum a nobis, nisi ut instar ignis, quem mane subiiciens ligna per singulos dies (e) nutriebat Sacerdos, hæc non inanis spes Christifidelium vitam cum metu, & tremore traducendam (f) animet; formet, educet, au- geat? Hæc quidem profecto, hæc ea res est, quæ, ut omnes probe noscunt, qui Scripturas Divino Spi- ritu afflatas vel primoribus labris attigerunt, adole- scentes alere, senes oblectare, prospera ornare, ad- versis perfugium, & solatium præbere possunt. Sed quis ista, quæ summa sunt, ex quo fonte hauriat, sen-

(a) *Ecclesiast. VII. 1.* (b) *Proverb. XXV. 27.*

(c) *Ecclesiast. VII. 17.* (d) *XVII. 5. & seq.*

(e) *Levit. VI. 12.* (f) *Ad Philipp. II. 12.*

sentiet, nisi qui se baptizatum (a) fuisse credit in nomine Patris, & Filii, & Spiritus Sancti? Is nempe Deo benedicit, & Patri Domini nostri Jesu Christi, qui secundum misericordiam suam magnam (b) regeneravit nos in spem vivam; ita ut certus sit Spiritum ejus, qui suscitavit Jesum a mortuis (c); habitare in nobis, ac proinde mortalia corpora nostra esse vivificaturum. Is sibi persuadet, nos non accepisse spiritum servitutis iterum (d) in timorem, sed accepisse Spiritum adoptionis Filiorum, in quo clamamus, Abba (Pater). Ipse enim Spiritus testimonium reddit spiritui nostro, quod sumus filii Dei: si autem filii, & hæredes: hæredes quidem Dei, cohæredes autem Christi. Is tandem TRINITATIS professione nixus facere nullo modo potest, quin gaudio superabundans exclamet: Justificati (e) ergo ex fide, pacem habeamus ad Deum per Dominum nostrum Jesum Christum: per quem & habemus accessum per fidem in gratiam istam, in qua stamus, & gloriamur in spe gloriæ filiorum Dei. Non solum autem, sed & gloriamur in tribulationibus, scientes, quod tribulatio patientiam operatur, patientia autem probationem, probatio vero spem, spes autem non confundit; quia charitas Dei diffusa est in cordibus nostris per Spiritum Sanctum, qui datus est nobis. En ecce unde nostræ spei vera origo ducatur.

Præterea quamvis unum Deum in TRINITATE, & Trinitatem in Unitate rite veneremur, neque personas confundamus, neque substantiam separemus, sed totas easdem tres Personas coæternas sibi esse,

(a) *Matt. XXVIII. 19.* (b) *1. Petr. I. 3.*

(c) *ad Rom. VIII. 11.* (d) *ad Rom. VIII. 15., & seq.*

(e) *ad Rom. V. 1. & seq.*

esse, & coæquales firmissime credamus: quia tamen unus est Deus Pater (a), ex quo omnia; & unus Unigenitus Dominus noster Jesus Christus, per quem, omnia; & unus Spiritus Sanctus donum in omnibus: ut melius Personarum distinctio eluceat, primæ ingenitæ omnipotentia, secundæ a prima genitæ sapientia, ac tandem tertiæ ab utraque procedenti bonitas tribui solet. Hinc mentes, in quarum aures cum ipsa veritatis suæ virtute Dei sermo transfusus dictitat, & inclamat, ipsas esse quasdam TRINITATIS „imagines, ac similitudines, spebus suis lætæ in con- „scio suæ securitatis otio requiescunt. Namque ex Patris omnipotentia, Natique sapientia, atque bonitate Paracliti facile sibi coniiciendum esse videntur, Deum sane, dum ab eo peregrinantur, opem, & salutem ferre & posse, & scire & velle. Quocirca tantam capiunt ex TRINITATIS professione vim, atque virtutem, ut & vitam hanc, etsi tot, „tantisque angoribus afflictatam, esse arbitrentur (b), „quod pueritiæ litteras, quod ægris medicinam, „quod naufragis natatum, quod adolescentibus disciplinam, rerum scilicet præsentium tolerantiam „ad præmium beatæ immortalitatis proficientem, „ipsamque mortem usque eo non metuant, ut æternæ quoque vitæ, felicitatisque initium existiment.

Itaque his catholicæ doctrinæ studiis animi imbuti, in secessu quodam, ac specula augustissimi hujus Sacramenti placida compositi pace quiescunt, nil aliud sibi relictum intelligentes, in quo majus officium præstare debeant Trinitati, quam ut Mariæ per-

(a) *D. Hilar. lib. 2. de Trin. n. 1.*

(b) *ibid. l. 1. n. 14.*

personam (a) suscipientes orationibus instent, loquentes (b) sibimetipsis in psalmis, & hymnis, & canticis spiritualibus, cantantes, & psallentes Domino, gratias agentes semper omnibus in nomine Domini nostri Jesu Christi, Deo & Patri. Hic vero subit pariter & Spiritum adjuvare infirmitatem nostram (c): nam quid oremus, sicut oportet, nescimus; sed ipse Spiritus postulat pro nobis gemitibus inenarrabilibus. Qui autem scrutatur corda, scit, quid desideret Spiritus, qui secundum Deum postulat pro Sanctis. Quare si nos ipsi primitias Spiritus habentes ad Deum per Jesum Christum ejus Filium assiduas effundimus preces, quæ spem vivificant, atque perficiunt bene, ac rite ipsi intra nos gemimus (d), adoptionem filiorum Dei expectantes, redemptionem corporis nostri.

En ergo, cur hujuscemodi Christifideles stabilem esse suam spem credant ex TRINITATIS prædicatione profectam, ad quorum beatitudinem porro nihil erit desiderandum. Etenim in æterno Patre uberrima, redundansque beatitatis copia, & infinita eisdem promittitur: in Filio vero, qui pulcherrima, & numeris omnibus absoluta Patris imago est, id præstandum, quo præclarius, atque jucundius nihil sub aspectum cadere possit: ac postremo in Spiritu Sancto, qui Patris, & Filii donum, & munus existit, utriusque impertienda fruitio est. Quæ cum ita sint, nos ex naturali excisi oleastro (e), & contra naturam inserti in bonam olivam, me-


(a) *Luc. X. 42.* (b) *ad Ephef. V. 19. & 20.*

(c) *ad Rom. VIII. 26. & 27.* (d) *ibid. vers. 23.*

(e) *ad Rom. XV. 29.*

memores nos aliquando Gentes in carne (a), fuisse illo in tempore sine Christo, alienatos a conversatione Israel, & hospites Testamentorum, promissionis spem non habentes, & sine Deo in hoc mundo; istud tantum TRINITATIS Sacramentum, quod aliis generationibus (b) non est agnitum, credamus corde ad justiciam, & ore ad salutem confiteamur: ita ut, quod in regenerationis nostræ symbolo professi sumus, illud semper obtineamus; Patrem nempe nostrum, suumq. Filium una cum illo in Spiritu, & veritate adoremus, & Paraclitum, qui ex eodem per Unigenitum est, promereamur.

F I N I S.



(a) *ad Ephes. II. 12. & 12.* (b) *ad Ephes. III. 3.*

